

ՎԻՐԱՀԱՅՈՑ ԹԵՄԻ ԱՌԱՋՆՈՐԴԻ ԱՆԴՐԱՆԻԿ ԱՅՑԵԼՈՒԹՅՈՒՆԸ ԹԲԻԼԻՍԻԻ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

Մայիսի 20-ին Վիրահայոց թեմի առաջնորդ Տ. Վազգեն վարդապետ Միրզախանյանը Թբիլիսիի Ս. Գևորգ առաջնորդանիստ եկեղեցու ծխակալարար Տ. Հուսիկ քահանա Հարությունյանի ուղեկցությամբ այցելեց Թբիլիսիի Սուլխան-Սաբա Օրբելիանու անվան պեպրական մանկավարժական համալսարանի հայոց լեզվի և գրականության ամբիոն:

Առաջնորդ Հոգեշնորհ Հորը դիմավորեցին մանկավարժական համալսարանի պարմության ֆակուլտետի ղեկան պարոն Սերգո Վարդազանիձեն, հայագիտության ամբիոնի վարիչ փիլիկն Նինո Ապցիաուրին և պրոֆեսոր Էմմա Ախպյանը, ովքեր սիրով առաջնորդեցին Հոգեշնորհ Հորը համալսարանի ռեկտոր պրոֆեսոր Վախթանգ Մաթանիայի ընդունարան:

Համալսարանի ռեկտորը, ողջունելով առաջնորդ Հոգեշնորհ Հորը, նշեց, որ իրենց համար մեծագույն պատիվ է, որ համալսարանում գործում է հայագիտության ամբիոն, որպեսզի մասնագիտական կրթություն են ստանում վրաստանաբնակ հայ ուսանողները: Նա հպարտորեն նշեց, որ ՀՀ նախագահ պարոն Ռոբերտ Քոչարյանի կողմից պարգևատրվել է Մուրբ Մովսես Խորենացու անվան շքանշանով: Կարևորելով հայկական դպրոցներում վրացերեն լեզվի ուսուցումը, պարոն Մաթանիան նշեց, որ համալսարանի հայ շրջանավարտները լիովին կարող են իրականացնել վրացերենի ուսուցումը:

Այնուհետև փիլիկն Էմմա Ախպյանն առաջնորդ Հոգեշնորհ Հորը ծանոթացրեց հայագիտության ամբիոնի գործունեությանը: Ամբիոնը ստեղծվել է 1930 թ.: Գործունեության նպատակն է հայկական դպրոցների հայ և վրաց լեզվի ու գրականության ուսուցիչների պարաստումը: Ամբիոնը ղեկավարել են անվանի հայ գիտնականներ, նրանց թվում և՛ պրոֆեսոր Էմմա Ախպյանը:

Առաջնորդ Հոգեշնորհ Հայրը համալսարանի դահլիճում հանդիպեց նաև հայագիտական բաժնի ուսանողների և դասախոսական կազմի հետ, որպեսզի ռեկտոր Մաթանիան ևս մեկ անգամ խոսեց հայ և վրաց ժողովուրդների հոգևոր-մշակութային դարավոր բարեկամության մասին՝ շեշտելով, որ այսօրվա ձևավորված հարաբերությունների մեջ կարևոր ու հիմնական դեր ունեն Հայ և Վրաց Եկեղեցիները, ինչպես նաև գիտության, մշակույթի և կրթության բնագավառի աշխատողները: Փոխադարձ խոսքում Հոգեշնորհ Տ. Վազգեն վարդապետ Միրզախանյանը նշեց, որ իր այցը ոչ միայն քաղաքավարական, այլ նաև գործնական նպատակ ունի և շարունակություն է այն ջերմ հարաբերությունների, որոնք ձևավորվել են Վրաց և Հայ Եկեղեցիների երկու Հովվապետների եղբայրական գործակցությամբ: Առաջնորդ Հոգեշնորհ Հայրը վկայակոչեց մայիսի 7-9-ը Համայն Վրաստանի Կաթողիկոս-Պատրիարք Իլիա Երկրորդի՝ Հայաստան այցելության ընթացքում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի խոսքերը. «Մեր երկու ժողովուրդների բարեկամության երաշխիքներից մեկը վրացահայերն են: Մենք շնորհակալ ենք Վրաստանի իշխա-

նություններից և Եկեղեցուց, որ այդչափ ուշադիր են վրաստանաբնակ հայերի նկատմամբ: Հայերը եղել են և կան իբրև հյուրընկալ Վրաստանի նվիրյալ և օրինապահ քաղաքացիներ»:

Շարունակելով իր խոսքը, առաջնորդ Հոգեշնորհ Հայրը քաջալերեց ուսանողներին, որ ընտրել են մաքաղ սերնդին դաստիարակելու և կրթելու կարևորագույն առաքելությունը, և հորդորեց լինել ուսումնասիրենք ու սերտորեն կապված Մայր Եկեղեցուն:

Պատասխանելով ուսանողությանը հեղաքրքրող հարցերին, որոնք հիմնականում Վրաց Պատրիարքի՝ Հայաստան և Ս. Էջմիածին այցելությանն էին վերաբերում, Հոգեշնորհ Հայրը մանրամասնեց և ներկայացրեց այն ջերմ մթնոլորտը, որը ձևավորվել է Հայ և Վրաց Եկեղեցիների գաղափարների միջև:

Շնորհակալություն հայտնելով համալսարանի ռեկտորին և դասախոսական կազմին հայ երիտասարդներին կրթելու և դաստիարակելու համար, ինչպես նաև իր առաջին այցելության առիթով, Վազգեն վարդապետը Ս. Էջմիածնի հոգևոր արվեստի գործերին նվիրված «Գանձարուն» ալբոմը նվիրեց համալսարանի ռեկտոր պարոն Մաթանիային, Հայ Եկեղեցու Պատրարգի մեկնության, երգեցողության և Քրիստոնեականի գրքեր՝ դասախոսական կազմին ու աշակերտությանը:

Փոխադարձաբար համալսարանի հայ ուսանողներն առաջնորդ Հոգեշնորհ Հորը նվիրեցին իրենց «Վիրահայ ուսանող» ամսագրի անդրանիկ համարը: